


A chegámonos desta volta ata a vila de A GUARDA, na esquina S-O de Galicia para establecer alí a base de operacións das dúas rutas que imos percorrer; a primeira discorre polos concellos veciños de TOMIÑO e O ROSAL, e a segunda a carón da vila portuguesa de VIANA DO CASTELO. Compartiremos ambas andainas cos compoñentes de Viana Trilhos, grupo de montañismo de Viana do Castelo.



Mapa de situación



PROXIMAS ACTIVIDADES

)


- ✓ **4 de octubre 2015:** Arredores de Arnoia (OU)
- ✓ **25 de octubre 2015:** Arredores da Merca (OU)
- ✓ **15 de noviembre 2015:** Souto de Cruzul (LU)
- ✓ **13 de diciembre 2015:** De Corme a Ponteceso (CO)

Este calendario es orientativo y, puede estar sujeto a alguna modificación a lo largo de su desarrollo, tanto en el trayecto, como en la fecha, por lo que se recomienda, consultar la web del club para mas detalles



SOCIEDADE DE MONTAÑA
ARTABROS

SAIDA FIN DE SEMANA



19 y 20 de setembro de 2015

**A GUARDA
VIANA DO CASTELO**

Descripción dos percorridos

Ruta 1, día 19 de setembro: Goián - Muiños de Folón - O Rosal.

Sairemos de A Coruña o Sábado día 19 ás 7.30 da mañá para chegar ao inicio da ruta arredor das 10:30 h. Levaremos comida para comer en ruta e poderemos comprar pan á nosa chegada a GOIÁN. Arranca a nosa andaina no embarcadoiro fluvial de GOIÁN, concello de Tomiño lindante con O Rosal, faremos un pequeno tramo á beira do Miño ata a praia fluvial de ÁS EIRAS para logo abandonar o curso do río e dirixirmos ata a Igrexa do pobo do mesmo nome. Dende aquí, nunha curta e pronunciada subida chegaremos ata a CAPELA DA MADALENA e logo, nun suave descenso, pasaremos polo Petroglifo recentemente descuberto en GORGOLADO ata desembocar na estrada xeral Tui – A Guarda á altura da ADEGA VALMIÑOR, depois percorreremos 300 metros pola estrada ata chegar á ADEGA TERRAS GAUDA. Encontrámonos en plena ruta do VÍÑO RÍAS BAIXAS.

Atravesaremos agora os viñedos de TERRAS GAUDA e comezaremos a subir ata O NIÑO DO CORVO, un miradoiro que nos permitirá gozar dunha preciosa panorámica dos vales de O ROSAL e TOMIÑO, co esteiro do Miño, o MONTE DE SANTA TEGRA e Portugal como protagonistas. Se nos fixamos ben poderemos distinguir na distancia o punto final da nosa ruta na praza do Concello de O Rosal. Dende O NIÑO DO CORVO comezaremos o descenso ata o río TAMUXE, ao outro lado do cal se sitúa a aba do monte que ascenderemos máis tarde para chegar ata O RÍO DA CAL e as súas bonitas pozas e fervenzas de auga fresca. Deixando atrás as pozas marcharemos cara ó CHAN DA CEREIXEIRA para enlazar coa ruta dos muíños de FOLÓN E PICÓN, ruta que toma o seu nome do interesante e bonito conxunto histórico-ethnográfico de 67 muíños hidráulicos declarados Ben de Interese Cultural. Dende O CHAN DA CEREIXEIRA baixaremos polo tramo dos muíños do Folón. Rematado o descenso xa nos queda un passeio ata chegar á praza do Concello de O ROSAL, onde remata a nosa andaina de hoxe. Aloxáremos no HOTEL VILA DA GARDIA e cearemos no RESTAURANTE MARBELLA.

Ruta 2, día 20 de setembro: Ruta dos canos.


Marcharemos agora ata a cidade portuguesa de VIANA DO CASTELO, a 1 hora de viaxe desde A Guarda. A nosa ruta comeza na BASÍLICA DE SANTA "LUZIA" construída a principios do século XX e situada na cume do monte do mesmo nome, dende a cal hai unha vista panorámica impresionante da cidade e a sua bisbarra.

O de subir a escalinata que une a cidade co templo deixáremo para outra ocasión.

A ruta que imos facer é a PR 9 - "TRILHO DOS CANOS DE ÁGUA", ruta senderista de pequeno percorrido rexistrada e homologada pola "Federación Portuguesa de Campismo". É unha ruta circular de 10,20 km. de dificultade baixa que en parte segue o curso da canalización de granito construída para captar a auga na serra e abastecer a cidade de Viana. A canle segue funcionando áinda que nalgún punto, debido á falta de mantemento a auga reborda e encharca o terreo. A ruta discorre entre unha frondosa vexetación case que todo o traxecto. Os principais puntos de interese da ruta son: o templo de SANTA "LUZIA", os "CANOS DE ÁGUA" con algún acueduto ao inicio (unha boa parte do percorrido farémoslo camiñando sobre a propia canalización), a aldea "ALDEIA VELHA DE SAN MAMEDE", "ALTO DO FRADE" e "CASINHA DO RADAR", tal como se indica no panel informativo ao inicio da ruta. Finalizado o traxecto, de novo xunto ao templo de SANTA LUZIA, quen queira poderá subir ao cimborrio do monumento para gozar dunha espectacular vista da paisaxe circundante. O ascenso ao cimborrio tamponou é aburrido. Reunidos todos de novo no autobús baixaremos ata VIANA DO CASTELO para visitar a cidade e comer antes de voltar ás neboantas terras artabriñas.



20,8 kms.



9,7 kms.

